

Franca banko estas monpunata pro la usona sieĝo kontraŭ Kubo.



La giganto de la franca kaj eŭropa banko Credit Agricole aldonis ĝi-marde al la notinda listo de bankoj kiuj akceptis pagi grandegajn monsumojn rilatajn al transakcioj kiuj estis ligitaj al institucioj de landoj punitaj de Usono, inter ili Kubo, Irano kaj Sudano.

Credit Agricole interkonsentis pagi 787 milionojn da dolaroj (ĉirkaŭ 700 milionoj da eŭroj) por eviti ĉarĝojn pro tiuj transakcioj en dolaroj detektitaj kiel parto de esploro farita de usonaj agentejoj al eŭropaj bankoj kiuj havis operaciojn kun la landoj punitaj de Washington.

Temus pri la kvara pago de eŭropa banko al usonaj reguligantoj pro tiu ĉi motivo uzante la financon sistemon de Usono dum la administracio de Barack Obama.

Aliaj antaŭaj punitoj estis la bankoj Credit Suisse kaj Commerzbank; oni informis pri aliaj bankoj eŭropaj nuntempe sub simila esplorado, kiel la franca Societe Generale, la germana Deutsche Bank AG kaj Banamex, de Meksiko.

Analistoj esprimis ke la politiko de persekutado kaj monpunoj pro tiuj transakcioj konsiderataj eksterleĝaj de la usona justico, samkiel la daŭra valideco de la malpermeso altrudata al la insulo internacie operacii kun la dolaro, estas faktoroj kiuj bremsas la usonajn bankojn je la horo fokusigi eblan malfermon al la kariba insulo en la nuna scenejo de reciproka proksimiĝo.

<https://www.radiohc.cu/index.php/eo/noticias/nacionales/73300-franca-banko-estas-monpunata-pro-la-usona-siego-kontrau-kubo>



Radio Habana Cuba